



Broj:10-07-3999-2/12

Sarajevo, 20.12.2012. godine

BOSNA I HERCEGOVINA
 PARLAMENTARNA SKUPŠTINA
 PREDSTAVNIČKI DOM
 n/r gđin Božo Ljubić, predsjedavajući

BOSNA I HERCEGOVINA
 PARLAMENTARNA SKUPŠTINA BOSNE I HERCEGOVINE
 SARAJEVO

PRIMLJENO: 28-12-2012			
Organizaciona jedinica	Klasifikaciona oznaka	Radni broj	Broj priloga
01-50-1-15-35/12			

PREDMET: Odgovor na zastupničko pitanje, **dostavlja se**

VEZA: Vaš akt broj: 01/a-50-1-15-35/12 od 25.10.2012. godine

Poštovani,

Zastupnica Nermina Ćemalović je, na 35. sjednici Predstavničkog doma Parlamentarne skupštine Bosne i Hercegovine održanoj 23.10.2012. godine, uputila pitanje Ministarstvu za ljudska prava i izbjeglice BiH: „**Da li su završene procedure za ratifikaciju Konvencije Vijeća Evrope o sprečavanju i borbi protiv nasilja nad ženama i porodičnog nasilja, te kada će BiH istu ratifikovati?**”

Agencija za ravnopravnost spolova Bosne i Hercegovine je inicirala postupak pristupanja Bosne i Hercegovine Konvenciji Vijeća Evrope o sprečavanju i borbi protiv nasilja nad ženama i porodičnog nasilja. Nakon što su pribavljena pozitivna mišljenja od vlada oba entiteta kao i od nadležnih institucija BiH, Vijeće ministara Bosne i Hercegovine je, na 10. sjednici održanoj 12.06.2012. godine, utvrdilo **Prijedlog osnova za pristupanje Bosne i Hercegovine Konvenciji Vijeća Evrope o sprečavanju i borbi protiv nasilja nad ženama i porodičnog nasilja (CAHVIO)**.

Na 25. sjednici Predsjedništva BiH, održanoj 19.07.2012. godine, donesena je **Odluka o pristupanju Bosne i Hercegovine Konvenciji Vijeća Evrope o sprečavanju i borbi protiv nasilja nad ženama i porodičnog nasilja** kojom se ovlašćuje ministar vanjskih poslova BiH da potpiše ovu Konvenciju.

Našim aktom broj: 01-37-4611-4/12 od 04.09.2012. godine smo od Ministarstva vanjskih poslova BiH zatražili da nastavi postupak pristupanja Bosne i Hercegovine Konvenciji Vijeća Evrope o sprečavanju i borbi protiv nasilja nad ženama i porodičnog nasilja, te da postupi po Odluci Predsjedništva BiH.

Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH je 14.11.2012. godine je novim aktom broj: 01-37-4611-5/12 uputila Ministarstvu vanjskih poslova BiH urgenciju za dobijanje informacije o pristupanju Bosne i Hercegovine Konvenciji Vijeća Evrope o sprečavanju i borbi protiv nasilja nad ženama i nasilja u porodici.

Ministarstvo vanjskih poslova BiH nas je, svojim aktom broj: 08/1-23-40-2399-2/11 od 04.12.2012. godine, obavijestilo da predlaže izmjenu dijela Odluke Predsjedništva BiH o pristupanju Bosne i Hercegovine Konvenciji Vijeća Evrope o sprečavanju i borbi protiv nasilja nad ženama i porodičnog nasilja koji se odnosi na potpisnika iste. Naime, Ministarstvo vanjskih poslova BiH predlaže da se za potpisnika Konvencije ovlasti Ambasador Bosne i Hercegovine pri Vijeću Evrope u Strazburu.

U tom smislu, Agencija za ravnopravnost spolova BiH je 11.12.2012. godine aktom broj: 01-37-4611-6/12 uputila Predsjedništvu BiH Prijedlog za izmjenu Odluke kojom bi se za potpisnika Konvencije, ispred BiH, ovlastio šef Stalne misije BiH pri Vijeću Evrope.

Kada Predsjedništvo BiH donese Odluku kojom se za potpisnika ovlašćuje Ambasador Bosne i Hercegovine pri Vijeću Evrope u Strazburu, Ministarstvo vanjskih poslova BiH će izraditi Instrument o pristupanju Bosne i Hercegovine ovoj Konvenciji.

S poštovanjem,


MINISTAR
mr.sc. Damir Ljubić

Dostaviti:

-Naslovu

-Agenciji za ravnopravnost spolova BiH

-a/a